

MATERIJALI
o osnivanju Poslovnog
udruženja
u Tuzli, 1964. godine

MEPA

U G O V O R
O OSNIVANJU POSLOVNOG ULRUŽENJA

Na osnovu člana 112 i 113 Zakona o udruživanju i poslovnoj saradnji u privredi (Sl.list SFRJ br. 28/60 i 13/63) privredne organizacije, Rudnici lignita "Kreka" u Tuzli, Koksno-hemijski kombinat "Boris Kidrič" Lukavac, Fabrika sode Lukavac i Industrija "vrenja" u Tuzli, a na osnovu zaključaka radničkih savjeta, na zajedničkom sastanku održanom _____, sklapaju

U G O V O R

O OSNIVANJU POSLOVNOG UDRUŽENJA

Firma i sjedište

1.

Privredne organizacije Rudnik "Kreka" u Tuzli, Koksno-hemijski kombinat "Boris Kidrič" Lukavac, Fabrika sode Lukavac i Industrija vrenja u Tuzli osnivaju "Poslovno udruženje za proizvodnju i hemijsku preradu uglja (u daljem tekstu Udruženje).

Sjedište Udruženja je u Tuzli.

Trajanje ugovora

2.

Udruženje se osniva na neodređeno vrijeme.

Udruženje prestaje postojati, ako se za prestanak izjasne bar dvije trećine članova. U slučaju prestanka postojanja udruženja ono mora ispuniti sve obaveze prema članovima i trećim licima u skladu sa opštim pravnim načelima. Ostale odredbe o postupku pri prestanku udruženja su sadržane u pravilima udruženja.

3.

Svaka organizacija koja je pristupila udruženju može odustati od ugovora podnošenjem pismenog zahtjeva.

U slučaju odustanka od ugovora prestaje članstvo u udruženju po isteku jednogodišnjeg otkaznog roka.

otkazni rok počinje teći sa danom, kada član udruženja javi preporučenim pismom udruženju odustanak od ugovora.

4.

Upravni odbor može isključiti iz udruženja člana koji ne ispunjava obaveze iz ugovora ili zaključaka organa udruženja koji su u skladu sa tim ugovorom i time onemogućava uspješno poslovanje udruženja.

Isključeni član može zahtjevati kod organa koji je nadležan za nadzor nad udruženjem da presudu zakonitost zaključka o isključenju.

5.

Član koji je istupio iz udruženja ili je isključen ogovoran je za obaveze nastale u vremenu kada je bio član udruženja.

Naknadni pristup u članstvo

6.

U udruženju mogu naknadno pristupiti i druge privredne organizacije, odnosno samostalne ustanove koje nisu učestvovali pri osnivanju udruženja, ako u cijelini pristanu na odredbe ovog ugovora i ako se sa time slaže većina članova Udruženja.

Ako većina članova Udruženja odbije zahtjev za prijem u udruženje privredne organizacije, odnosno samostalna ustanova, koja želi pristupiti udruženju, može se obratiti organu za potvrđenje ugovora o osnivanju udruženja, sa zahtjevom za učlanjenje u udruženje.

Predmet poslovanja

7.

Članovi Udruženja se ovim ugovorom obavezuju da će preko udruženja i njegovih organa završavati slijedeće poslove:

- a) uskladjivanje postojeće i buduće proizvodnje članova u svrhu čim boljeg privredjivanja.
- b) organizovanje saradnje i izmjene iskustva po svim tehničkim, a naročito tehnološkim pitanjima iz oblasti tekuće proizvodnje.
- c) organizaciju zajedničke naučno-istraživačke djelatnosti u cilju osvajanja nove proizvodnje, unapredjenje proizvodnje, proširenja proizvodnje na bazi sadašnje i perspektivne sirovinske baze udruženih članova.
- d) uskladjivanje investicione politike i programa svojih članova.
- e) rješavanje opšte transportnih problema i sinhronizacija transportne službe. Razradjivanje perspektivni odnosa proizvodnih i transportnih usluga.
- f) obavljanje analitičkih poslova iz oblasti tržišta i cijena i razradjivanje te problematike.
- g) koordiniranje i usmjeravanje rada članova po pitanjima organizacije rada, ličnih dohodaka, politike obrtnih sredstava i ostalih problema iz oblasti ekonomike preduzeća.
- h) zajedničko kupovanje i korištenje licenci, organizovanje i objedinjavanje spoljno trgovinske aktivnosti i zajedničko vršenje spoljno trgovinskih odnosa (izvoz robe, uvoz investicione opreme i reprodukcionog materijala).

Sav izvoz i uvoz izuzev stranog uglja za koksiranje je jedino i isključivo pravo udruženja.

Sredstva udruženja

8.

Članovi udruženja se obavezuju da će obezbijediti udruženju potrebna poslovna i obrtna sredstva iz svojih odgovarajućih fondova, ili iz uzetih pozajmica.

članovi udruženja mogu davati udruženju osnovna i obrtna sredstva samo u obliku pozajmica.

Ovisini pozajmice koju članovi udruženja daju udruženju, kamatnoj stopi i roku vraćanja odlučuje Upravni odbor udruženja. Odluka Upravnog odbora udruženja je pravosnažna tek onda kad za nju daju saglasnost Radnički savjeti članova udruženja, a za samostalne ustanove najviši samoupravni organi.

9.

Udruženje može da obezbijedi sredstva i u vidu pozajmice, kao i drugim kreditnim poslovima, koje može neposredno zaključiti sa Bankom.

Za obaveze u vezi sa pozajmicom i drugim kreditnim poslovima jamče članovi udruženja. Sredstva za otplatu pozajmice, koju je uzelo udruženje, obezbijedjuju članovi udruženja.

I za ovu pozajmicu važe odredbe stava 3. predhodnog člana.

Odnosi između udruženja i članova

lo.

Članovi udruženja imaju naročito slijedeća prava:

- a) da određuju svoje predstavnike u Upravni odbor udruženja.
- b) da učestvuju putem ovlaštenih predstavnika u radu organa udruženja.
- c) imaju pravo na sve prednosti svoga članstva u udruženju koja su regulisana ovim ugovorom, pravilima udruženja i drugim propisima.
- d) da učestvuju u raspodjeli eventualnog dohodka koga ostvari udruženje po izdvajanju djela dohodka koji je namjenjen za lične dohodke radnika zaposlenih u udruženju, po mjerilima koje određuje ovaj ugovor.

e) da predlaže udruženju svoje zahtjeve, prijedloge, mišljenja i pritužbe.

11.

Članovi udruženja se obavezuju da će izvršavati sve radnje koje su navedene u članu 7. ovog ugovora, preko udruženja i njegovih organa koje predviđa ugovor i Pravila udruženja.

Članovi udruženja naročito se obavezuju da će:

- a) učestvovati u zajedničkom radu preko svojih predstavnika u Upravnom odboru i drugim organima udruženja.
- b) da će davati Upravnom odboru udruženja sve podatke i izvještaje koji su potrebni za ostvarenje zadataka udruženja.
- c) pravovremeno ispunjavati svoje finansijske, odnosno materijalne obaveze koje određuje ovaj ugovor i postojeći zakonski propisi.
- d) postupati po odlukama Upravnog odbora udruženja, koje su donijete u okviru ovlašćenja koje ima upravni odbor udruženja po ovom ugovoru i pravilima udruženja, a u skladu sa postojećim zakonskim propisima.

12.

Upravni odbor udruženja odlučuje o sankcijama prema članovima udruženja u slučaju neizvršavanja obaveze iz ovog ugovora.

13.

Ako član udruženja zbog neizvršenja ugovora ili zaključka Upravnog odbora udruženja prouzrokuje udruženju štetu, Upravni odbor udruženja utvrđuje postojanje i visinu štete, a na prijedlog posebne stručne komisije.

Stručnu komisiju koja treba da broji od 3 - 5 članova formira
Upravni odbor udruženja.

U koliko se član udruženja ne slaže odlukom Upravnog odbora
udruženja o naknadi štete, o tome će odlučiti nadležni sud.

14.

U poslovima koji su prenijeti na udruženja, ono istupa prema
trećim licima pod firmom udruženja, a na račun svojih članova.
To posebnom ovlaštenju pojedinog člana udruženja, udruženje
može da istupi prema trećem licu u ime i na račun tog člana.

Kad udruženje nastupa pod svojom firmom, a za račun svojih
članova, za njegove obaveze jamče članovi udruženja sa jedna-
kim djelovima.

Izkriće troškova, raspodjela dohodka

15.

Ukupni prihod udruženja čine plaćanja koja članovi Udruženja
plaćaju udruženju sa usluge koje Udruženje izvršava za njih i
drugi njegovi prihodi.

Dohodak udruženja čini dio njegovog ukupnog prihoda po odbitku
troškova koji su bili potrebni kako bi taj ukupni prihod bio
dostignut.

Iz dohodka se izdvaja dio namenjen za lične dohotke radnika za-
poslenih u udruženju, a eventualni ostatak se rasporedjuje među
članove udruženja na jednakе djelove.

Upravni odbor Udruženja određuje dio dohodka za lične dohotke
radnika zaposlenih u organima Udruženja.

16.

Lični dohoci radnika zaposlenih u organima Udruženja rasporedju-
ju se po Pravilniku o raspodjeli ličnih dohodataka Udruženja.

Lični dohoci radnika zaposlenih u udruženju određuju se po osnovama po kojima se određuje lični dohodak radnika koji su zaposleni u privrednim organizacijama koje su učlanjene u udruženje.

17.

Upravni odbor Udruženja određuje cijene usluga udruženja na prijedlog glavnog direktora Udruženja.

Upravni odbor na prijedlog glavnog direktora određuje i koliko iznose plaćanja članova za usluge koje za njih vrši udruženje.

Organi udruženja

18.

Udruženjem upravljaju predstavnici udruženih članova izabrani od strane njihovih radničkih savjeta.

Organ upravljanja udruženja je Upravni odbor.

Rukovodeci organ udruženja je Glavni direktor Biroa udruženja.

19.

Upravni odbor udruženja sačinjavaju predstavnici članova, glavni direktor Biroa udruženja, i jedan predstavnik radnika koji su zaposleni u organima udruženja.

Predstavnike članova udruženja u Upravni odbor biraju radnički savjeti privrednih organizacija, odnosno najviši organi samoupravljanja samostalnih ustanova.

Predstavnika radnika, koji su zaposleni u udruženju bira njihov radni kolektiv.

20.

Svi članovi udruženja biraju u Upravni odbor udruženja po tri predstavnika.

Odredbe o biranju nadležnostima i radu Upravnog odbora sadržane su u pravilima udruženja.

Prvu sjednicu saziva i vodi do konstituisanja Upravni odbor najstariji predstavnik članova udruženja.

Pravila donosi Upravni odbor.

Pravosnažnost zaključaka Upravnog odbora

Upravni odbor može punovažno da odlučuje ako je na sjednici prisutno bar 2/3 svih članova i da je prisutan bar po jedan predstavnik svakog člana udruženja.

Odluka Upravnog odbora je pravosnažna kada je za nju glasala većina prisutnih članova Upravnog odbora.

Glavni direktor udruženja

Glavnog direktora Udruženja imenuje na osnovu konkursa Upravni odbor udruženja.

Glavnog direktora udruženja smenjuje Upravni odbor udruženja.

Glavni direktor udruženja neposredno rukovodi poslovima udruženja, potpisuje firmu udruženja, zastupa udruženje pred državnim i društvenim organima i u pravnim odnosima sa pojedinim pravnim i fizičkim licima.

Glavni direktor udruženja je posebno odgovoran pri izvršavanju poslova iz člana 7 ovog ugovora.

O radu i nadležnostima glavnog direktora udruženja detaljnije je regulisano u pravilima udruženja.

Izmjene ugovora

24.

članovi udruženja mogu naknadno vršiti izmjene i dopune odredaba ovog ugovora.

Ako se neki član udruženja ne slaže sa izmjenom ili dopunom odredaba ovog ugovora, može odustati od ugovora i prije roka ugovorenog za odustanak od ugovora.

U slučaju iz prethodnog stava član udruženja može odustati od ugovora samo ako zahtijeva odustanak u roku od 15 dana od dana kada je obaviješten, o potvrdi izmjena i dopuna ugovora od strane državnog organa.

25.

član udruženja koji je odustao od ugovora u slučaju iz prethodnog člana nije odgovoran za obaveze iz poslova zaključenih poslije izmjene odnosno dopuna ugovora.

Kao dan izmjena i dopuna ugovora, u slučaju iz prethodnog stava smatra se onaj dan kada je član primio potvrdu o izmjenama i dopunama ugovora sa kojom se nije složio.

26.

Za izmjenu i dopunu odredaba ugovora važi postupak koji je propisan za potvrđenje ugovora o osnivanju udruženja.

Rješavanje sporova

27.

Sve sporove koji bi nastali u vezi sa ispunjavanjem ovog ugovora kao i imovinski sporovi koji bi nastali pri istupanju ili isključenju pojedinih članova udruženja ili zbog prestanka postojanja udruženja rješava nadležni Privredni sud.

Potpisivanje ugovora

28.

Radnički savjeti članova udruženja donijeli su odluku o prihvatanju ugovora o osnivanju udruženja, a u vezi člana 135 Zakona o udruživanju i poslovnoj saradnji u privredi, i to:

- Rudnici lignita "Kreka" na sjednici održanoj dana _____.
- Kokso-hemijski kombinat "Boris Kidrič" Lukavac na sjednici održanoj dana _____.
- Fabrika sode Lukavac na sjednici održanoj dana _____.
- Industrija vrenja u Tuzli na sjednici održanoj dana _____.

29.

Ovaj ugovor stupa na snagu sa danom potpisivanja od strane ovlaštenih predstavnika članova udruženja i odobrenja od nadležnog državnog organa.

30.

Ugovor je sačinjen u sedam istovjetnih primjeraka, od kojih svaka ugovorna strana zadržava po jedan primjerak, a ostali primjeri ugovora se prilaže za registraciju udruženja kod Okružnog privrednog suda u Tuzli.

Tuzla,

_____ 1964. godine

POTPISI OVLAŠTENIH PREDSTAVNIKA
ČLANOVA UDRUŽENJA,

O B R A Z L O Ž E N J E :

uz odluku o izmjenama i dopunama Odluke o raspodjeli centralnih sredstava amortizacije za 1963. godinu

Pozicija br. 2 Izrada investicionih programa

Prilikom raspodjele sredstava amortizacije odobreno je na bazi ocjene 60,0 miliona dinara za izradu investicionog programa za nove objekte Kombinata. Međutim, prilikom ugovaranja izrade programa utvrđeno je da odobrena sredstva nisu dovoljna za ostvarenje predviđenog plana investicija radi čega je potrebno odobriti povećanje sredstava na ovoj poziciji za 21,0 miliona dinara odnosno na ukupan iznos od 81,0 miliona dinara.

Do sada je ugovorena izrada sledećih investicionih programa:

- izgradnja postrojenja za perlon	30,000.000	din.
- " " za kaprolakt.	19,000.000	"
- " rudnika Šički Brod i Južna sinklinala	24,500.000	"
- Švelara	30,400.000	"
- Izvodi iz programa i kopiranja	6,906.177	"

Odobreno povećanje omogućilo bi izvršenje obaveza prema postojećim ugovorima.

Pozicija br. 6- Izgradnja cjevovoda

Radove na ovom objektu izvodi "Remont-montaža" Tuzla koja je podnела zahtjev br. 1639/63 d 17.VII.1963. godine za priznavanje povećanih troškova na izgradnji cjevovoda u iznosu od 16,0 miliona dinara. Komisija Kombinata razmotrila je zahtjev izvodjača i ustanovila da je zahtjev opravдан u iznosu od 9,6 miliona dinara. Na osnovu toga predloženo povećanje sredstava na ovoj poziciji za 10,0 mil.din. odnosno na ukupan iznos od 132,0 miliona dinara. Ovo je opravdano narocito iz tog razloga što su radovi na ovom objektu u završnoj fazi.

Pozicija br. 10 Učešće u izgradnji brane "Modrac"

Oспорavanjem vodnog doprinosa od strane službe društvenog knjigovodstva nastale su potreškoće oko finansiranja brane "Modrac". Zbog ovakve situacije nastala je potreba da se obuhvati sredstva u iznosu od 346,0 miliona dinara, kao neophodna za tekuće finansiranje. Predviđeno je prikupljanje sredstava iz sledećih izvora:

- Rudarsko-hem. kombinat Tuzla	180,0	mil.din.
- Rudnik uglja "Tito" Banovići	40,0	" "
- Rudnik soli i solana Tuzla	12,0	" "
- Elektro Tuzla	8,0	" "
- OIF-a Tuzla	17,0	" "
- OIF-a Lukavac	17,0	" "
- OIF-a Banovići	4,0	" "
- Repub.invest.fond	68,0	" "

U k u p n o: 346,0 mil.din.
=====

Sredstva Kombinata od 180,0 miliona dinara treba da se udruže na sledeći način:

- Centralni fond	44,0	mil.din.
- KHI - Lukavac	43,0	" "
- Fabrika sode Lukavac	88,0	" "
- Industrija vrenja Tuzla	5,0	" "

U k u p n o: 180,0 mil.din.

Iz izloženih razloga predlažemo da se odobre sredstva iz centralnog fonda za 44,0 miliona dinara i otovori nova pozicija br. lo.

Pozicija br. 6- e Sredstva za proširenu reprodukciju

Povećanje sredstava na poziciji br. 2, 6-c i lo može se izvršiti na teret pozicije br. 6-e koja sadrži odobrenih 800,0 miliona dinara za proširenu reprodukciju

stvarna sred
icu izvršen
zacionih jed

Stvarna sredstva na ovoj poziciji su znatno manja i najući u viču izvršeni obračun amortizacije i uplate od strane organizacionih jedinica. Stanje sredstava je sledeće:

- odobrено odlukom Radničkog savjeta	800,0 mil.din.
- umanjen o za razliku izmedju predračuna i uplate u 1963. godine .	<u>477,5 : mil.din.</u>
	svega 322,5 : mil.din.
- umanjeno za izvršene isplate po odobrenom zajmu KHI Lukavac	<u>186,0 mil.din.</u>
- stvarno stanje sredstava	136,5 mil.din.
- predloženo za virmanisanje	105,4 : mil.din.
- ostatak sredstava	31,1 mil.din.